



UNIVERSITÄTS-  
BIBLIOTHEK  
PADERBORN

# **Compendium Privilegiorum, Et Gratiarum Societatis Jesu**

**Pragae, Anno M.DCC.III.**

**VD18 13723553**

Correctio.

---

[urn:nbn:de:hbz:466:1-65423](https://nbn-resolving.org/urn:nbn:de:hbz:466:1-65423)

CORPORALIA.

*Tactus & benedictio corporalium.*



IN nostri laici possint tangere ac lavare corporalia, Vide verbo *Sacra.* §. 1. Vide etiam, quæ circa eorum benedictionem habentur. verbo *Benedicere.* §. 2. & 3.

CORRECTIO.

§. 1.

*Forma in correctionibus tenenda.*



IN infligendis correctionibus & punctionibus Nostrorum delinquentium, Prælati Societatis, ad quos id noscitur spectare, postpositis juris apicibus, libere procedere possunt, secundum consuetudines approbatas, & generalia Instituta Societatis facta, aut facienda, observatis in hoc deliberatione ac maturitate debitâ. Concessit BONIFACIUS VIII. Minoribus per Bullam, datam 2. Idus Nov. anno 1. Incipit : *Ad augmentum* : est 2. in Bull. Regul. & Cisterciensibus per Bullam, datam idib. Febr. anno 3. Incipit :

D s

Ad

*Ad augmentum.* ibid. & Julius II. Minimis per Bullam, dat. 5. Kal. Aug. 1506. Incipit: *Virtute conspicuos*; est post 10. ibid. in n. 29. & Congr. Montis Oliveti per Bullam, datam prid. Non. Junii, 1507. Incipit: *Etsi ad universos*; est 12. in Bull. comm. in n. 9. & LEO X. Camaldulensibus per Bullam, datam 4. Nov. anno 1. Incipit: *Etsi à Summo*; est 2. in Bull. comm. in n. 11.

*Hac facultas communicatur omnibus Superioribus.*

## §. 2.

*Facultas excommunicandi Nostros, incarcerandi, &c.*

Omnes Præpositi, per se vel alios quovis, Societatis insolentes, & qui id mereri videbuntur, possunt liberè excommunicare, capere, incarcerare, & aliàs suæ disciplinæ submittere; & ad id, si opus fuerit, auxilium brachii secularis invocare. PAULUS III. pag. 4.

*Communicatur omnibus Superioribus quoad alia ab excommunicatione, respectu cujus facultas sit penès Provinciam, prout dictum est verbo Apostatae. §. 5.*

An à correctione Regulæ liceat appellare. Vide supra verbo *Appellatio*.

## §. 3.

*An, &*

*An, & quomodo Nostri deputari possint ad Ministeria Prælatorum.*

Tam Præpositus Generalis, quàm alii Inferiores Superiores, minimè tenentur deputare Nostros ad ullum Ministerium, etiam Archiepiscoporum, aliarumque Ecclesiarum Prælatorum, nisi de autoritate Litterarum Sedis Apostolicæ, de Societate, & Indulto hujusmodi expressam facientium mentionem; & si quos deputari contingeret, nihilominus sub Ordinis correctione existant, & eosdem removere possint. Deputati verò ad prædicandam Crucem, vel ad inquirendum contra hæreticam pravitatem, removeri à Præposito Generali possint, aliò transferri, quòd supersedeant juberi, alii in eorum locum substitui. Concessit Paulus III. pag. 39. & Innoc. IV. Minoribus per Bullam, datam 7. Kal. Sept. anno 4. Incipit: *Cum sicut accepimus*: est 3. in Bull. Regularium.

S. 4.

*De Confessariis Prælatorum, & Principum.*

Quicumque ex Nostris, non obtentâ licentiâ Summi Pontificis, fuerint Cardinalium, seu aliorum Prælatorum, aut quarumvis aliarum Personarum Ecclesiasticarum, vel secularium Confessarii, aut Familiares (non tamen in Domibus eorundem

Cardinalium commorantes) perinde Superioribus, & correctioni ipsorum sint subiecti, ac si ejusmodi clientelâ non potirentur. Imò ad renunciandum officiis, & familiaritatibus hujusmodi per Superiores Societatis compellendi. Concessit Martinus V. Augustinianis per litteras An: 1426. Incipiunt: *Ad circumspēctam*: ut in eorum Bull. Itē Nicolaus V. mandavit hujus Bullæ executionem per litteras Anno 1451. Inc: *Solicitudo*. ibid. & Julius II. Olivetanis per Bullam, dat. prid. non. Jan. Incipit: *Etsi ad universos*: est 12. in Bull. comm. in n. 22.

## S. 5.

*Intercessionēs Externorum non admittendæ.*

Per Privilegium concessum Prædicatoribus à Greg. XIII. per Bull. dat. 1. Jun. 1580. Prælati eorum jubentur in Virtute S. Obedientiæ, nè ad instantiam Personarum tam Ecclesiasticarum, extra ipsum Ordinem, quavis dignitate, etiam Cardinalitiâ fulgentium; quàm Laicarum, etiam Regali, & Imperiali, ullam gratiam concedant, vel pœnas remittant: & Fratres, qui per mendicatos hujusmodi favores aliquid acquisiverint, perpetuò inhabiles declarantur. Habetur in Bull. Comm. Bullâ 62. hujus Pontificis. Quam confirma-

firma.

firmavit, extenditque Clemens VIII. & similiter alii Pontifices aliis Religionibus concesserunt &c.



## DECIMÆ.

Vide verbo *Exemptio*. §. 4. 5. & seq.



## DECLARATIO.

*Declaratio Privilegiorum & Constitutionum.*



Irca declarationem nostrarū Constitutionum, & Privilegiorum, ac Nostri Instituti, vide, quæ dicuntur verbo *Generalis*. §. 5. & 6. Itē vide, quæ peculiariter circa Privilegiorum declarationem habentur verbo *Privilegia*. §. 4. Pro declaratione autem dubiorum conscientiae, vide verbo *Scrupuli*.



## DIGNITAS.

*Omnius, etiam Generali, interdicitur acceptatio cujuscumque dignitatis extra Societatem.*

D 7

Præpo.